

Serie A N.º 1177824

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría absoluta do número legal dos seus membros, 17 votos a favor (8 do PSdeG-PSOE, 6 do PP, 2 do BNG, e 1 de EU-IU), e 1 abstención (1 de RA), acorda aproba-la proposta da Alcaldía transcrita.-

E, non habendo máis asuntos que tratar, pola Presidencia dase por rematada a presente sesión, sendo as catorce horas e dez minutos, da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 172 do Papel Timbrado da Comunidade Autónoma de Galicia, Serie A nº 1177822 ata o folio núm. 174 do Papel Timbrado da Comunidade Autónoma de Galicia, Seria Anº 1177824, de todo o que, como Secretaria, DOU FE.-

O ALCALDE

A SECRETARIA XERAL

XAIME REI BARREIRO

ANA ISABEL DEL CERRO DEL RIO

SESIÓN ORDINARIA CELEBRADA POLO PLENO DO CONCELLO O DÍA
31 - MARZO - 2005

ORDE DO DIA

- 1.- APROBACIÓN DAS ACTAS DAS SESIÓNS ANTERIORES.
- 2.- DAR CONTA DE EXPEDIENTE DE MODIFICACIÓN DE CRÉDITO
- 3.- INICIACIÓN EXPEDIENTE PARA CONCESIÓN ADMINISTRATIVA DO USO PRIVATIVO DO DOMINIO PÚBLICO PARA INSTALACIÓN DE QUIOSCO.
- 4.- PROPOSTA DE NOMEAMENTO RÚAS DO CONCELLO.
- 5.- APROBACIÓN DA MODIFICACIÓN DA CONSTITUCIÓN DO CONSELLO PARROQUIAL DE CHAPELA.
- 6.- APROBACIÓN INICIAL DA MODIFICACIÓN DO REGULAMENTO DOS CONSELLOS MUNICIPAIS TERRITORIAIS, CONSELLOS MUNICIPAIS PARROQUIAIS.
- 7.- RATIFICACIÓN DA RESOLUCIÓN DA ALCALDÍA DE SOLICITUDE DO PLAN CONCERTADO 2005.
- 8.- APROBACIÓN DA RESOLUCIÓN DO RECURSO DE REPOSICIÓN INTERPOSTO POR GESTYCOBRO, S. A., CONTRA ACORDO DE 20.12.04.
- 9.- ADHESIÓN Á ASOCIACIÓN INTERNACIONAL RUTAS DE SAN XURXO.
- 10.- PROPOSTA PARA CANDIDATO Ó PREMIO OTERO PEDRAYO, A D. XOSÉ NEIRA VILAS.

ACTIVIDADE DE CONTROL DO PLENO:

- 11.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.
- 12.- MOCIÓNS.

12.1).- MOCIÓN DO GRUPO MUNICIPAL DO B.N.G., SOBRE O PROXECTO DE LEI DA ÁREA METROPOLITANA DE VIGO.-

12.2).- MOCIÓN DO GRUPO MUNICIPAL DO B.N.G., SOBRE O TRAZADO DO AVE POR REDONDELA.-

ROGOS E PREGUNTAS.

Na Casa do Concello de Redondela, sendo as vinte horas do día trinta e un de marzo de dous mil cinco, baixo a Presidencia do 1º Teniente de Alcalde, D. XOSÉ CARLOS PAZOS DOCAMPO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, Dª. LAURA LAGO ALLER, Dª. MÓNICA CARREIRA COUÑAGO, Dª. CARMEN RODRÍGUEZ CUNHA, D. CARLOS GONZÁLEZ FERNÁNDEZ, D. MANUEL IGLESIAS CARRERA, Dª. FRANCISCA CANAL GÓMEZ, D. JUAN TIZÓN CABALEIRO, D. RODOLFO PATO GARCIA, D. ANTÓN DÍAZ MOURELLE, Dª. Mª DEL CARMEN AMOEDO DASILVA, D. JAIME DARRIBA VILAS, D. FERMÍN ALFAYA PAZ, D. XOSÉ CARLOS PAZOS DOCAMPO, Dª. CECILIA PÉREZ ORXE, Dª. PURIFICACIÓN SERRANO CAVIEDES, D. ALEJANDRO BASTOS FERNÁNDEZ, Dª. HERMINDA QUELLE FERNÁNDEZ e D. MANUEL PÉREZ PARDO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretaria a Secretaria da Corporación DONA. ANA ISABEL DEL CERRO DEL RIO, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Non asiste, excusando a súa ausencia, o Sr. Alcalde, D. XAIME REI BARREIRO.

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

Antes do comenzo do debate e votación dos asuntos incluídos na Orde do Día, gárdase un minuto de silencio en lembranza das vítimas de violencia de xénero, dando así cumprimento ó acordo de Pleno aprobado no seu día.-

1.- APROBACIÓN, DAS ACTAS DAS SESIÓNS ANTERIORES.-

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo vinte votos a favor (7 do PSdeG-PSOE, 7 do PP, 3 do BNG, 2 de RA e 1 de EU-IU), acorda prestar aprobación ás actas das sesións celebradas con carácter ordinario o día **24 de febreiro de 2005**, e extraordinario e urxente o día **14 de marzo de 2005**.-

2.- DAR CONTA DE EXPEDIENTE DE MODIFICACIÓN DE CRÉDITO.-

Non se formulan observacións, e o Pleno do Concello, dase por enterado do expediente administrativo de modificación de crédito nº 2/05, mediante xeración de crédito por importe de 1.858.579,61 euros.-

3.- INICIACIÓN EXPEDIENTE PARA CONCESIÓN ADMINISTRATIVA DO USO PRIVATIVO DO DOMINIO PÚBLICO PARA INSTALACIÓN DE QUIOSCO.-

Serie A N.º 1177825

ANTECEDENTES.-

Dictame da Comisión Informativa de Interior de data 29 de marzo de 2005, que transcrito dí:

"Antecedentes.-

O Concello Pleno, en sesión celebrada o 30 de setembro de 2004, acordou a aprobación da adxudicación do uso privativo do dominio público mediante a instalación de quioscos para a venda de periódicos, libros, revistas e golosinas.

Con data 2.02.05, Dona. Consuelo Soliño Fuentes, presenta renuncia da adxudicación efectuada o seu favor do uso privativo de dominio público para a instalación do quiosco sinalado co número 4, á vista da Resolución da Dirección Provincial do Instituto Nacional da Seguridade Social, declarando que a pensión de incapacidade permanente absoluta que percibe, é incompatible co desempeño do posto de traballo da actividade por conta propia de explotación dun quiosco.

Proposta da Presidenta da Comisión Informativa de Interior de data 22 de marzo de 2005.

Intervencións:

(...)

Votación e dictame.-

A Comisión Informativa de Interior, en votación ordinaria e por unanimidade dos/as Sres./as Concelleiros/as presentes, sendo 10 votos a favor (4 do PSdeG-PSOE, 3 do PP, 1 do BNG, 1 de RA, e 1 de EU-IU), estimou oportuno dictaminar favorable a proposta da Presidencia da Comisión, e na súa consecuencia propoñer ó Concello Pleno, a adopción dos seguintes acordos:

1º).- Aprobar o prego de cláusulas económico-administrativas redactado para a concesión do uso privativo de dominio público para a instalación dun quiosco, dispoñendo a súa exposición ó público polo prazo de oito días a contar dende a última publicación, que se realizará no Diario Oficial de Galicia e no Boletín Oficial da Provincia, para que poidan presentarse reclamacións ou alegacións que serán resoltas pola Corporación.

2º).- Aprobar o proxecto tipo de quiosco a instalar redactado polo Arquitecto Técnico Municipal e que forma parte do presente prego de cláusulas económico-administrativas.

3º).- Convocar concurso para a concesión de uso privativo de dominio público, mediante a instalación dun quiosco, de conformidade co prego de cláusulas económico-administrativas, e as normas reguladoras da contratación das Administracións Públicas.-"

VOTACIÓN E ACORDO.-

Sometido o asunto a votación, o Concello Pleno acorda por unanimidade dos seus membros presentes, sendo vinte votos a favor (7 do PSdeG-PSOE, 7 do PP, 3 do BNG, 2 de RA e 1 de EU-IU), aprobar o dictame da Comisión Informativa de Interior anteriormente transcrito.-

4.- PROPOSTA DE NOMEAMENTO RÚAS DO CONCELLO.-ANTECEDENTES.-

Dictame da Comisión Informativa de Interior de data 29 de marzo de 2005, que transcrito dí:

"Antecedentes.-

Pola Presidencia ponse de manifesto que aínda son moitos os camiños e rúas do Concello que carecen dunha denominación clara, por iso o Concello está realizando un estudio que permitirá recuperar a toponimia e que está previsto rematar para o vindeiro ano, solventándose así numerosos problemas xurdidos con Correos e Telégrafos, polo reparto das cartas.

Vistas as peticións realizadas por veciños e asociacións deportivas da parroquia de Chapela, de nomeamento dunha rúa en dita parroquia a D. Manuel Rodríguez Casal, propietario do restaurante "El Canario", pola súa colaboración desinteresada na promoción cultural e deportiva na devandita parroquia, e outra ó Dr. Gonzalo Morant Levenfield pola súa labor desenrolada como pediatra, tamén na parroquia de Chapela.

Así mesmo a Presidenta propón que a estrada á Estación do FF.CC en Redondela, pase a denominarse AVDA. DA ESTACION, e coa finalidade de suprimir as ramificacións do camiño da Rabexa, en Cidadelle, Chapela, e deixar tan só con dito nome a arteria central, denominar o camiño da Rabexa, en Cidadelle-Chapela e que se sinala no plano, co seu topónimo orixinal, de CAMIÑO AVISPEIRA.

Intervencións:

(...)

Votación e dictame:

A Comisión Informativa de Interior, en votación ordinaria e por unanimidade dos/as Sres./as Concelleiros/as presentes, sendo 10 votos a favor (4 do PSdeG-PSOE, 3 do PP, 1 do BNG, 1 de RA, e 1 de EU-IU), estimou oportuno propoñer ó Concello Pleno, a adopción dos seguintes acordos:

Primeiro.- Nomear a actual rúa "A", en Cardona-Chapela, como RUA DE D. MANUEL RODRIGUEZ CASAL.

Segundo.- Nomear a actual rúa "C", en Cardona-Chapela, como RÚA DO DR. GONZALO MORAN.

Terceiro.- Nomear un tramo do camiño da Rabexa, sito en Cidadelle-Chapela, como CAMIÑO AVISPEIRA.

Cuarto.- Nomear a rúa da Estación do FF.CC en Redondela, como AVDA. DA ESTACION.

Todas elas, segundo se indican nos planos que obran no expediente.-"

VOTACIÓN E ACORDO.-

Sometido o asunto a votación, o Concello Pleno acorda por unanimidade dos seus membros presentes, sendo vinte votos a favor (7 do PSdeG-PSOE, 7 do PP, 3 do BNG, 2 de RA e 1 de EU-IU), aprobar o dictame da Comisión Informativa de Interior anteriormente transcrito.-

De seguido e a petición da Concelleira Sra. Pérez Orxe, procédese a alterar o debate e votación dos puntos nº 5 e 6 da Orde do Día.-

6.- APROBACIÓN INICIAL DA MODIFICACIÓN DO REGULAMENTO DOS CONSELLOS MUNICIPAIS TERRITORIAIS, CONSELLOS MUNICIPAIS PARROQUIAIS.-

ANTECEDENTES.-

Serie A N.º 1177826

Dictame da Comisión Informativa de Ensino e Participación Cidadá, de data 29 de marzo de 2005, que transcrita dí:

"Toma a palabra a Concelleira de Participación Cidadá, Cecilia Pérez Orxe, para informar que este asunto se trae a Comisión debido a que no Consello Parroquial de Chapela é momento de renovación dos/as membros de representación das entidades da parroquia e algúns poden salir reelixidos, posibilidade que non estaba contemplada no regulamento.

A Presidenta da Comisión somete a votación a seguinte proposta:

"Visto o artigo 10 do Regulamento dos Consellos Parroquias no que se establece que: Os/as membros do consello terán unha representatividade de catro anos, agás os representantes dos grupos políticos que deberán renovarse coa constitución dunha nova corporación municipal."

A Concelleira de Participación Cidadá, propón modificar o artigo 10 do Regulamento dos Consellos Municipais Territoriais, Consellos Municipais Parroquiais, quedando do seguinte xeito:

Artigo 10: Os/as membros do consello terán unha representatividade de catro anos. As asociacións poderán nomear aos/as mesmos/as representantes do mandato anterior, se así o acordan. Os representantes dos grupos políticos deberán renovarse coa constitución dunha nova corporación municipal.

A proposta resulta aprobada por unanimidade dos/as membros presentes."

VOTACIÓN E ACORDO.-

Sometido o asunto a votación, o Concello Pleno acorda por unanimidade dos seus membros presentes, sendo vinte votos a favor (7 do PSdeG-PSOE, 7 do PP, 3 do BNG, 2 de RA e 1 de EU-IU), aprobar o dictame da Comisión Informativa de Ensino e Participación Cidadá anteriormente transcrito.-

5.- APROBACIÓN DA MODIFICACIÓN DA CONSTITUCIÓN DO CONSELLO PARROQUIAL DE CHAPELA.-

ANTECEDENTES.-

Dictame da Comisión Informativa de Ensino e Participación Cidadá, de data 29 de marzo de 2005, que transcrito dí:

"Cecilia Pérez Orxe informa sobre este punto dicindo que ao Consello Parroquial de Chapela se queren incorporar un representante das asociacións deportivas e outro das culturais, polo que é necesario modificar o número de membros do devandito consello.

Erminda Quelle Fernández pregunta se o seu grupo político, Redondeláns Adiante, se pode incorporar ao Consello Parroquial de Chapela, repóstaselle que sí.

A continuación a Presidenta somete a votación a seguinte proposta:

"Visto o artigo 8 do Regulamento dos consellos municipais territoriais, consellos municipais parroquiais, que dí:

Integran o Pleno do consello parroquial:

- a) O/a Presidente/a
- b) Un/ha representante de cada grupo político con representación na Corporación Municipal, non precisando ter a condición de concelleiro/a.
- c) Os/as representantes das entidades actúantes na parroquia, segundo establezca o acordo

plenario de creación do consello parroquial, en número non inferior ao do apartado b), nin superior ao triplo.

Visto o acordo plenario de data 19.06.2000, de creación e composición do consello parroquial de Chapela, no que se aprobou a seguinte representación veciñal:

- 3 representantes das asociacións de veciños/as.
- 2 representantes das asociacións culturais.
- 2 representantes das asociacións deportivas.
- 1 representante da comunidade de montes
- 1 representante das ANPAS

Os/as membros do consello parroquial de Chapela, en sesión extraordinaria celebrada o día 16.03.2005, acordaron propoñer a modificación da composición acordada polo Pleno do Concello en sesión de data 19.06.2000, quedando a representación veciñal do consello do seguinte xeito:

- 3 representantes das asociacións de veciños/as.
- 3 representantes das asociacións culturais.
- 3 representantes das asociacións deportivas.
- 1 representante da comunidade de montes.
- 1 representante das asociacións de nais e pais.
- 1 representante da comunidade de augas.
- 1 representante das asociacións de mulleres.

A proposta resulta aprobada por unanimidade dos/as membros presentes."

VOTACIÓN E ACORDO.-

Sometido o asunto a votación, o Concello Pleno acorda por unanimidade dos seus membros presentes, sendo vinte votos a favor (7 do PSdeG-PSOE, 7 do PP, 3 do BNG, 2 de RA e 1 de EU-IU), aprobar o dictame da Comisión Informativa de Ensino e Participación Cidadá anteriormente transcrito.-

7.- RATIFICACIÓN DA RESOLUCIÓN DA ALCALDÍA DE SOLICITUDE DO PLAN CONCERTADO 2005.-

ANTECEDENTES.-

Resolución da Alcaldía de data 24.02.05, que transcrita dí:

"Vista a convocatoria da Consellería de Asuntos Sociais, Emprego e Relacións Laborais, orde do 29 de decembro de 2004, pola que se regulan axudas destinadas ás prestacións de servizos sociais polas corporacións locais.

Considerando que o Concello de Redondela é susceptible de recibir unha subvención para o mantemento dos Servizos Sociais de Atención Primaria, e de acordo co expediente elaborado para tal fin.

Esta Alcaldía

RESOLVE

PRIMEIRO.- Solicitar ó amparo da citada orde unha subvención de 225.622,47 euros para o mantemento dos Servizos Sociais Municipais de Atención Primaria.

SEGUNDO.- Que se someta a presente Resolución ó Pleno do Concello para que proceda a súa ratificación."

INTERVENCIÓNS.

Serie A N.º 1177827

A voceira do PP, D^a. Francisca Canal Gómez, considera lamentable que este asunto no pasara por comisión informativa, o que impide que agora se pode debater

O voceiro do PSdeG-PSOE, D. Emilio González Iglesias, contesta que os grupos políticos poden facer aportacións en calquera momento, e non se teñen que limitar ás comisións informativas.

A voceira do PP, D^a. Francisca Canal Gómez, dí que no presente caso trátase dunha ratificación e, polo tanto, o de hoxe é puro trámite.

VOTACIÓN E ACORDO.-

Sometido o asunto a votación, o Concello Pleno acorda por unanimidade dos seus membros presentes, sendo vinte votos a favor (7 do PSdeG-PSOE, 7 do PP, 3 do BNG, 2 de RA e 1 de EU-IU), ratificar a Resolución da Alcaldía transcrita.-

8.- APROBACIÓN DA RESOLUCIÓN DO RECURSO DE REPOSICIÓN INTERPOSTO POR GESTYCOBRO, S. A., CONTRA ACORDO DE 20.12.04.-

ANTECEDENTES.-

Recurso de Reposición interposto con data 10 de febreiro de 2005, rexistro xeral de entrada nº 1095, por D. Santiago López Fernández, en nome e representación de GESTYCOBRO, contra os acordos adoptados polo Pleno do Concello en sesión extraordinaria celebrada o día 20 de decembro de 2004.

Informe de Tesourería de data 11 de marzo de 2005.

Dictame da Comisión Informativa de Economía, Facenda e Patrimonio de data 29 de marzo de 2005.

INTERVENCIONS:

O voceiro do PSdeG-PSOE, D. Emilio González Iglesias, dá conta do contido do recurso, e do informe emitido pola Tesourería Municipal.

O Sr. Interventor Xeral, D. Modesto Solla Sanz, indica que non está plenamente de acordo na cuestión relativa á data de remate do contrato, pero trátase dunha cuestión formal, por canto a tramitación administrativa precisa para a nova adxudicación un tempo, que rematará probablemente na data indicada.

A voceira do PP, D^a. Francisca Canal Gómez, anuncia a súa abstención, por canto nos informes técnicos emitidos denunciábase a ilegalidade do contrato actual, e pola absoluta falla de planificación do goberno municipal, vaise demorar a situación ata decembro deste ano.

O voceiro do PSdeG-PSOE, D. Emilio González Iglesias, contéstalle que o contrato está na mesma situación na que se atopaba cando ela foi concelleira do grupo de goberno, e daquela non fixo nada por denunciálo.

VOTACIÓN E ACORDO.-

Sometido o asunto a votación, o Concello Pleno acorda co quorum da maioría absoluta do número legal dos seus membros, sendo once votos a favor (7 do PSdeG-PSOE, 3 do BNG e 1 de EU-IU), e nove abstencións (7 do PP e 2 de R.A.):

Primeiro.- Estimar o recurso interposto por GESTYCOBRO, no que se refire ó prazo da prestación dos seus servizos, que se extenderá ata o 31 de decembro de 2005.

Segundo.- Desestimar integramente o recurso interposto por GESTYCOBRO, no que se refire á

revisión de prezos do contrato, co fin de compensar o Imposto sobre o Valor Engadido, en base a:

- a).- O contrato se atopa nunha situación de suposta ilegalidade.
- b).- Non se produce ningunha circunstancia nova que xustifique a revisión (o IVE está en vigor en España dende o ano 1986).
- c).- O incumprimento das obrigas tributarias (inspección da Axencia Tributaria), nunca pode ser motivo de revisión de prezos do contrato nin de indemnización ao contratista.
- d).- A condición de incluído no prezo dos contratos coas Administracións Públicas do IVE, non existe dende a aprobación da Lei 13/95, senón dende a entrada en vigor do citado imposto (artigo 25 do RD. 2028/85, do 30 de outubro, Regulamento do IVE), do que é suxeito pasivo a empresa GESTYCOBRO por imposición directa da Lei, non sendo necesario ningún tipo de instrución ou requerimento do Concello para o nacemento das obrigas tributarias.-

9.- ADHESIÓN Á ASOCIACIÓN INTERNACIONAL RUTAS DE SAN XURXO.-

Pola Presidencia retírase o presente asunto da Orde do Día.-

10.- PROPOSTA PARA CANDIDATO Ó PREMIO OTERO PEDRAYO, A D. XOSÉ NEIRA VILAS.-

ANTECEDENTES.-

Dictame da Comisión Informativa de Cultura de data 29 de marzo de 2005, que transcrita dí:

"Polo Sr. Presidente dase lectura a proposta para candidatura do escritor Neiras Vilas para o Premio Ramón Otero Pedrayo-2005, convocado polas catro Deputacións Provinciais, que dí:

PROPOÑENDO A CANDIDATURA DO ESCRITOR NEIRA VILAS PARA O PREMIO "RAMON OTERO PEDRAYO-2005", CONVOCADO POLAS CATRO DEPUTACIÓNS GALEGAS.

A Deputación Provincial de Pontevedra aprobou na sesión plenaria celebrada o pasado día 25 de xaneiro as bases do Premio Otero Pedrayo para premiar un labor que constituía unha contribución constante á cultura galega (Base 2.1.). Poderán ser candidatos as personalidades ou institucións que se teñan caracterizado pola difusión e polo mantemento da cultura galega (Base 3)

Consideramos que, sen quitarlle méritos a outros candidatos, o escritor Xosé Neira Vilas é un intelectual que ten méritos abondos par optar a este premio patrocinado polas catro deputacións provinciais galegas.

Xosé Neira Vilas naceu en Gres, Vila de Cruces) o ano 1928. Emigrou a Bos Aires en 1949, onde mativo un contacto moi activo e fecundo cos galegos exiliados. Naquela populosa cidade, refuxio da nosa cultura, fundou as Mocedades Galeguistas (1953), das que chegou a sr secretario xeral ao ano seguinte, e o periódico "Adiante", e participou na organización do Primeiro Congreso da Emigración Galega (1956). En 1957 fundou a editorial Follas Novas.

En 1961 trasladouse a Cuba, onde creou a Sección Galega do Instituto de Literatura e Lingüística da Academia de Ciencias de Cuba, que dirixiu durante 22 anos. Froito dese labor son as edicións facísimiles que non hai moitos anos veu editando a Xunta de Galicia a través do Centro de Investigación en Humanidades "Ramón Piñeiro". Publicacións todas elas que contribúen a recuperar unha parte importante do labor desenvolvido polos nosos emigrantes en colectividade tan dinámicas como o Centro Galego de La Habana. Esa catalogación e recuperación de publicacións débese en boa parte ó labor de Neira Vilas durante a súa estadía na illa caribeña.

Serie A N.º 1177828

Como escritor deuse a coñecer con "*Memorias dun neno labrego*" (1961), unha obra clásica na nosa literatura traducida a máis de vinte e cinco idiomas e coa que moitas xeracións de galegos e galegas aprenderon a amar a súa lingua e cultura. Tamén publicou "*Xente no Rodicio*", "*Camiño Bretemoso*", "*Historias de emigrantes*", "*A muller de ferro*", "*Remuíño de sombras*", "*Aqueles anos do Moncho*", "*Querido Tomas*", "*Tempo novo*", "*Relatos mariñeiros*", "*Lar*" e "*Nai*".

En narrativa para nenos destacan "*Cartas a Lelo*", "*O cabaliño de buxo*", "*Espantallo amigo*", "*A marela taravela*", "*De cando o Suso foi carteiro*", e da súa poesía "*Dende lonxe*", "*Inquedo latexar*", "*Poesía recadada*", "*Cantarolas*", "*Dende Gres*".

No eido da testemuña publicou "*Galegos no Golfo de México*", "*Guerrilleiros*", "*Eduardo Blanco-Amor dende Buenos Aires*".

No campo da investigación destacan "*Castelao en Cuba*", "*A prensa galega de Cuba*", "*Rosalía de Castro e Cuba*", "*Memoria da emigración*" (tres volumes), "*A lingua galega en Cuba*", "*Galegos que loitaron pola independencia de Cuba*", "*Crónicas galegas de América*" (tres volúmenes), "*Manuel Murguía e os galegos da Habana*", "*O sarillo do tempo*"...

Polo seu labor e dedicación ó cultivo da nosa identidade recibiu premios e distincións en distintos países do mundo, recoñecéndolles todos eles o seu compromiso con Galicia.

Membro numerario da Real Academia Galega, foi investido Doutor Honoris Causa polas Universidades da Coruña (1998) e pola Universidade de La Habana (2003).

Por seren os seus méritos moitos e valiosos consideramos que é merecente do Premio Ramón Otero Pedrayo, que convocan as catro deputacións galegas; de aí que propoñamos ó Pleno do Concello a aprobación desta proposta e se dea traslado dela ó xurado que se reunirá proximamente no pazo da Deputación Provincial de Pontevedra."

INTERVENCIONS.-

O concelleiro de Cultura, D. Eduardo Reguera Ocampo, explica as razóns que xustifican a proposta.

A voceira do PP, D^a. Francisca Canal Gómez, califica de lamentable que unha proposta que nace en Redondela, sexa debatida e votada con anterioridade noutros Concellos. Debiase ter tratado antes no noso Concello, por deferencia ós grupos da oposición municipal.

Dado que o procedemento empregado non foi o axeitado, o que provoca un defecto de forma non expediente, o PP vaise abster neste punto. E aclara que o PP non ten nada en contra da persoa proposta.

O voceiro do PSdeG-PSOE contesta que lle parece absurda a postura do PP de absterse por unha cuestión de forma, cando o fondo do asunto é definir se o Sr. Neira Vilas resulta merecedor do premio. Considera que o PP está ocultando algo que non quere dicir abertamente.

A voceira do PP, D^a. Francisca Canal Gómez, sorpréndese da actitude do Sr. González Iglesias que sempre dalle tanta importancia ó procedemento, e neste caso, non sabe porque intereses, parece obvio e dá por sentado o que pensan outras persoas.

O voceiro do PSdeG-PSOE, D. Emilio González Iglesias, pregúntalle se o PP tería votado a favor, se o procedemento fora outro.

A voceira do PP, D^a. Francisca Canal Gómez, négase a contestar a pregunta, e pide que conste na acta que a abstención do seu partido ven motivada por unha cuestión de forma e non de fondo, por canto o seu grupo non ten nada en contra da persoa proposta.

O Alcalde-Presidente en funcións pechou o debate manifestando que o procedemento non foi irregular, por canto houbo unha proposta dictaminada en comisión informativa, que agora débatese en pleno.

Non había un expediente anterior no Concello, porque unha carta remitida polo Alcalde solicitando apoios á candidatura non orixina un expediente administrativo.

VOTACIÓN E ACORDO.-

Sometido o asunto a votación, o Concello Pleno acorda co quorum da maioría absoluta do número legal dos seus membros, sendo trece votos a favor (7 do PSdeG-PSOE, 3 do BNG, 2 de R.A. e 1 de EU-IU), e sete abstencións (7 do PP) aproba-lo dictame da Comisión Informativa de Cultura transcrito.-

ACTIVIDADE DE CONTROL DO PLENO:

11.- DAR CONTA DE RESOLUCIÓN.-

O Concello Pleno dase por enterado do contido das Resolucións da Alcaldía e dos Concelleiros Delegados dende o día 22 de febreiro ó 28 de marzo de 2005.-

12.- MOCIÓNS.-

12.1).- MOCIÓN DO GRUPO MUNICIPAL DO B.N.G., SOBRE O PROXECTO DE LEI DA ÁREA METROPOLITANA DE VIGO.-

ANTECEDENTES.-

Moción do Grupo Municipal do BN.G., de data 23 de marzo de 2005, que transcrita di:

"O día 27 de xaneiro do ano en curso tiña entrada no Parlamento de Galiza o Proxecto de Lei de creación da Área Metropolitana de Vigo, presentado pola Xunta de Galicia.

Os antecedentes deste proxecto parten da declaración de Soutomaior, en novembro de 1999, onde os alcaldes dos concellos membros da Mancomunidad da Área Intermunicipal de Vigo (MAIV), establecen un plano de acción de cara á constitución da Área Metropolitana de Vigo. Dito plano de traballo, e unha vez incorporados os alcaldes de Moaña e Cangas, permite en xuño do 2000 elaborar e aprobar as bases para a redacción do borrador da lei de creación da área metropolitana.

A partir de entón desenvólvese unha actividade sen precedentes para conformar a futura área, tendo como eixos fundamentais:

- > Definir aqueles servizos que a futura Área Metropolitana está interesada en prestar a súa cidadanía.
- > Asegurarse os recursos económicos necesarios para a súa posta en marcha e desenvolver os servizos a prestar.
- > Buscar aquelas fórmulas de estrutura orgánica áxil e eficaz, garantindo ao mesmo tempo, a representación dun xeito integrador.

A lectura con detemento do articulado do proxecto de lei e as distintas situacións que teñen os concellos que van a conformar a Área Metropolitana, non clarifica aspectos esenciais para o desenvolvemento do funcionamento de dita Área Metropolitana, así como dos servizos que pretende prestar.

A vista da situación que se pode xerar se non se teñen en conta as diversas realidades e as necesidades da propia Área Metropolitana, o Grupo Municipal do BNG propón, ao Pleno da Corporación Municipal, a adopción do seguinte acordo:

Instar ao Parlamento Galego que no periodo de discusión do proxecto de lei da Área Metropolitana de

Serie A N.º 1177829

Vigo teña en conta os seguintes aspectos:

- 1).- Deixar ben claras as fórmulas de financiación coas que pode dotarse á Área Metropolitana para prestar os servizos que asuma.
- 2).- A futura Área Metropolitana asumirá as competencias referentes ao servizo contraincendios, salvamento e protección civil.
- 3).- No referente ao transporte público, e nas súas diversas modalidades, recoller a necesaria coordinación entre a Área Metropolitana e a Xunta de Galiza, nomeadamente aquel que ten incidencia na propia Área, pero na que ésta non ten competencias.
- 4).- A necesidade de artellar fórmulas que, facendo fronte as distintas realidades dos concellos, permitan dun xeito non traumático e paulatino, integrar os servizos prestados actualmente por cada concello, a xeito de non gravar a estes nen á propia Área Metropolitana e, sobre maneira, aos cidadáns e cidadás."

INTERVENCIÓNS.-

A voceira do PP, D^a. Francisca Canal Gómez, dí que vaise abster nesta moción, que resulta ser pura demagogia, por canto este tema xa foi consensuado por tódolos grupos políticos.

A concelleira do B.N.G., D^a. Cecilia Pérez Orxe, contesta que o consenso do que fala o PP non é tal, por canto estase nun período de discusión. O proxecto de Lei do PP non é compartido polos demais grupos, debido a que somente fala de futuribles. Co obxecto de reclamar as cuestións pendentes preséntase esta moción.

A voceira do PP, D^a. Francisca Canal Gómez, considera que a forma da moción non é a correcta, pois non se identifica se é unha moción ou un rogo; por outra banda indica que o documento xa estivo en Redondela no seu día, e daquela era o momento para presentar alegacións.

O voceiro do PSdeG-PSOE, D. Emilio González Iglesias, aclara que o que se acordou nun pleno anterior foi darse por enterados do texto do anteproxecto da lei de creación da área metropolitana, apoiando a súa creación, e diferindo a presentación de alegacións ó momento de debate do proxecto.

A concelleira do BNG, D^a. Cecilia Pérez Orxe, ratifica o manifestado polo voceiro do PSdeG-PSOE, e acláralle á Sra. Canal Gómez, que non hai dúbidas en canto á forma da moción, por canto nós rogos non se inclúe proposta de acordo.

VOTACIÓN E ACORDO.-

Sometida a Moción a votación, o Concello Pleno acorda co quorum da maioría absoluta do número legal dos seus membros, sendo trece votos a favor (7 do PSdeG-PSOE, 3 do BNG, 2 de R.A. e 1 de EU-IU), e sete abstencións (7 do PP) aproba-la Moción do Grupo Municipal do B.N.G., transcrita.-

12.2).- MOCIÓN DO GRUPO MUNICIPAL DO B.N.G., SOBRE O TRAZADO DO AVE POR REDONDELA.-

ANTECEDENTES.-

Moción do Grupo Municipal do B.N.G., de data 31 de marzo de 2005, que transcrita dí:

"Dende o inicio do expediente do AVE no Concello de Redondela estase a sufrir unha situación de indefinición sobre o trazado definitivo de dita infraestrutura.

A alegación, que no seu día presentou o Concello, a un deseño con repercusións mui negativas para Redondela, segue a día de hoxe sen resposta por parte do Ministerio de Fomento.

As actuacións que se levan a cabo por empresas contratadas polo Ministerio de Fomento, mesmo con negociacións directas cos propietarios dos terreos, desenvólvense segundo o establecido nun dos trazados inicialmente propostos, máis non veñen amparadas pola confirmación, da administración responsábel, do trazado a executar, o que crea unha situación de inseguridade e preocupación nun número mui grande de veciños e veciñas, que poden ver a súa vida e o seu patrimonio mui afectados.

Tendo en conta todo isto o Grupo Municipal do BLOQUE NACIONALISTA GALEGO, ao Pleno da Corporación propón:

Solicitar ao Ministerio de Fomento:

- 1.- A resposta urxente a alegación presentada polo Concello de Redondela o 4/12/2002.
- 2.- A confirmación do trazado definitivo do AVE, ao seu paso polo Concello de Redondela.-"

Á vista do contido da presente moción, o Concello Pleno, en votación ordinaria e por unanimidade dos seus membros presentes, sendo vinte votos a favor (7 do PSdeG-PSOE, 7 do PP, 3 do BNG, 2 de R.A. e 1 de EU-IU), acorda ratifica-la urxencia da moción transcrita, e na súa consecuencia a súa inclusión na Orde do Día da presente sesión.

INTERVENCIÓNS.-

Tódolos grupos amóasanse a favor da moción pola importancia do asunto.

O voceiro do PSdeG-PSOE aclara que o que está facendo a empresa, non son negociacións en canto á expropiación, senón cata de terreo.

VOTACIÓN E ACORDO.-

Sometida a Moción a votación, o Concello Pleno, acorda por unanimidade dos/as seus membros presentes, sendo vinte votos a favor (7 do PSdeG-PSOE, 7 do PP, 3 do BNG, 2 de R.A. e 1 de EU-IU), aproba-la Moción do Grupo Municipal do B.N.G., transcrita.-

ROGOS E PREGUNTAS.-

Por D. FERMÍN ALFAYA PAZ, Concelleiro do Grupo Municipal do Partido Popular, fórmulanse os seguintes rogos:

1.- Na entrada da praia de Cesantes, preto do peirao, hai terreos que non teñen valos de contención, provocando a súa caída sobre o areal.

ROGO se repoñan os valos e se faga limpeza do lixo e cascallos que teñen aqueles terreos.

2.- As antigas vivendas dos mestres que se atopan no Paseo de Mendiño presentan unha mala conservación, e o seu deterioro é ben notable.

ROGO que se fagan as xestións necesarias para que se poidan aproveitar para usos municipais, facendo os correspondentes arranxos. Ademáis, hai riscos de que se produzan derrumes.

3.- O leito do río Alvedosa, ó seu paso polo centro da vila, presentar depósitos de terras que se foron

Serie A N.º 1177830

ROGO que se faga a limpeza do río.

Por D. ANTÓN DÍAZ MOURELLE, como Concelleiro do Grupo Municipal do Partido Popular, ó amparo do establecido no artigo 97 do Regulamento de Organización, Funcionamento e Réxime Xurídico das Entidades Locais, formúlanse os seguintes ROGOS:

Ante a situación de abandono no que se atopan as marquesiñas do Concello de Redondela, algunhas delas rotas, outras sucias ou con maleza nas súas cercanías, o que fai imposible a súa utilización polos nosos veciños e veciñas.

Ademáis do mal estado en que se atopan as marquesiñas temos zonas dentro do propio casco urbán de Redondela no que son moi necesarias e neste intre carécese delas. E por todo isto polo que, ROGO:

- Se faga unha revisión de tódalas marquesiñas e se proceda o seu arranxo e limpeza.

- Que se coloquen marquesiñas na rúa Xeral Rubín e na Avda. Ernestina Otero ó lado da praza, xa que a xente cando chove ten que refuxiarse nos comercios máis pretos.

Dende fai uns meses estamos comprobando como o persoal laboral do servizo de limpeza viaria ten que facer o seu traballo cuns elementos de limpeza inadecuados para un Concello, as basoiras e recolledores son de uso doméstico, pequenos e que fan que a limpeza sexa lenta e pouco axeitada, carecen de roupa reflectante adecuada as normas de seguridade.

Por todo isto, ROGO:

Que se dote o persoal dos elementos de traballo adecuados para que poidan facer de maneira eficaz o seu traballo e deixen de incumprir a normativa, ademáis do risco que supón que o persoal non teña a roupa de traballo adecuada para a súa labor.

Polo Sr. Díaz Mourelle solicítase que a referencia que fai nos seus rogos ó artigo 97 do Regulamento de Organización, Funcionamento e Réxime Xurídico das Entidades Locais, sexa modificada polo artigo 39 do Regulamento Orgánico Municipal.-

E, non habendo máis asuntos que tratar, pola Presidencia dase por rematada a presente sesión, sendo as vinte horas e corenta minutos da data fixada no encabezamento, en proba de todo o que, se estende a presente acta, que se inscribiu no Libro dende o folio núm. 174 do Papel Timbrado da Comunidade Autónoma de Galicia, Serie A nº 1177824 ata o folio núm. 180 do Papel Timbrado da Comunidade Autónoma de Galicia, Serie A nº 1177830, de todo o que, como Secretaria, DOU FE

O 1º TENIENTE DE ALCALDE

A SECRETARIA XERAL

XOSE CARLOS PAZOS DOCAMPO

ANA ISABEL DEL CERRO DEL RIO